



**Republika e Kosovës
Republika Kosova – Republic of Kosovo**

**ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY**

Nr.630/23

Në bazë të nenit 105 pika 1 dhe 2, të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/L-068, i plotësuar dhe ndryshuar me Ligjin 05/L-092, pas shqyrtimit të ankesës së Operatorit Ekonomik (OE) "Consult Engineering" SH.P.K lidhur me aktivitetin e prokurimit "Hartimi i projekteve dhe konsullenca teknike (Shërbimet Gjeodezike)" me numër të prokurimit 205-23-8493-2-1-1, inicuar nga "MINISTRIA E INFRASTRUKTURES" në cilësinë e autoriteti kontraktues (AK), Kryetarja e Organit Shqyrtues të Prokurimit, Vjosa Gradinaj Mexhuani me datën: 13/09/2023, mori këtë:

VENDIM

Hedhet si e palejuar ankesa e OE "Consult Engineering" SH.P.K. me Nr. të protokollit 2023/0630, e datës 30/08/2023 lidhur me aktivitetin e prokurimit "Hartimi i projekteve dhe konsullenca teknike (Shërbimet Gjeodezike)" me numër të prokurimit 205-23-8493-2-1-1, inicuar nga "MINISTRIA E INFRASTRUKTURES" në cilësinë e autoriteti kontraktues (AK).

I lejohet "MINISTRISË SË INFRASTRUKTURËS", që nga cilësia e saj si autoriteti kontraktues të vazhdojë më tutje me aktivitetin e prokurimit "Hartimi i projekteve dhe konsullenca teknike (Shërbimet Gjeodezike)", nëse nuk ka ndonjë ankesë tjetër për këtë aktivitet të prokurimit.

Në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

ARSYETIM

-Faktet dhe rrethanat procedurale-

Organi Shqyrtues i Prokurimit, në sistemin elektronik me datë 30.08.2023 ka pranuar ankesën me (Nr. Protokolli 630/23) nga OE"Consult Engineering" SH.P.K lidhur me aktivitetin e prokurimit "Hartimi i projekteve dhe konsullenca teknike (Shërbimet Gjeodezike)" me numër të prokurimit 205-23-8493-2-1-1, inicuar nga Ministria e Infrastrukturës, në cilësinë e Autoritetit Kontraktues.

Me 10.08.2023, Ministria e Infrastrukturës ka publikuar B05-Njoftimin për kontratë lidhur me aktivitetin e lartcekur. Sipas këtij njoftimi afati i fundit për pranimin e tenderëve është 01.09.2023.

Me datë 25.08.2023 OE "Consult Engineering" SH.P.K, kishte bërë kërkesë për rishqyrtim pranë AK-së. Ndërsa me 28.08.2023, AK e kishte refuzuar kërkesën për rishqyrtim të operatorit ekonomik me arsyetimin se e njëjta ishte parashtuar pas afatit ligjor dhe në kundërshtim me nenin 5 lidhur me nenin 60.1 të Rregulloren për Prokurim Publik ndërsa ka vazhduar me aktivitetin e prokurimit.

- Vlerësimi dhe administrimi i provave –

Nga provat e prezantuara vërtetohet se për aktivitetin e prokurimit "Hartimi i projekteve dhe konsullenca teknike (Shërbimet Gjeodezike)", njoftimi për kontratë është publikuar në sistemin e-prokurimi me datë 10.08.2023, kurse afati i fundit për pranim të tenderëve ishte precizuar të jetë data 01.09.2023.

OE "Consult Engineering" SH.P.K me 25.08.2023, kishte parashtuar kërkesë për rishqyrtim pranë AK-së e cila ishte refuzuar me vendimin e AK të datës 28.08.2023 si të jashtafatshme.

LPP përcakton se OE- Ankues ka qenë i obliguar që në pajtim me paragrafin 3.1 të nenit 108/A të LPP-së, brenda afateve ligjore të parashtroj kërkesë për rishqyrtim në AK dhe vetëm pas udhëheqjes së procedurave paraprake në AK, Operatori ekonomik në pajtim me nenin 109 të LPP-së do të mund ti drejtohet me ankesë OSHP-së. Neni 108/A paragrafi 3.1 i LPP-së përcakton se operatori ekonomik ankues kërkesën për shqyrtim duhet të dorëzoj tek autoriteti përkatës kontraktues: *në qoftë se shkelja e supozuar ka të bëjë me njoftimin e kontratës ose me dokumentet e tenderit brenda pesë (5) ditëve para afatit të fundit për dorëzim të ofertave.*

Po ashtu, edhe neni 60.1 pika a) në Rregulloren 001/2022 për Prokurim Publik përcakton se: *Kurdo që kërkesa për rishqyrtim ka të bëjë me njoftimin e kontratës ose me dokumentet e tenderit se paku pesë (5) ditë para afatit të fundit për dorëzim të ofertave. Në kalkulim të afateve kohore dita e dorëzimit të ofertave është dita (0).*

Andaj nga provat e prezantuara dhe rrjedha e këtij aktiviteti konstatohet se ankesa e parashtruar në Organin Shqyrtues të Prokurimit me datë 25.08.2023 nga OE "Consult Engineering" SH.P.K për aktivitetin e prokurimit "Hartimi i projekteve dhe konsulenca teknike (Shërbimet Gjeodezike)" me numër të prokurimit 205-23-8493-2-1-1, i inicuar nga "Ministria e Infrastrukturës" në cilësinë e AK, hedhet si e pa lejuar sepse ankuesi nuk ka parashtruar kërkesën për rishqyrtim brenda afateve ligjore kundër njoftimit të publikuar për kontratë nga Autoritetit Kontraktues. Andaj Organi Shqyrtues i Prokurimit, sqaron se OE mund të parashtrojnë Ankesë vetëm pas udhëheqjes së një procedure paraprake të rregullt dhe brenda afateve ligjore pranë AK, në harmoni me nenin 108/A të Ligjit për Prokurim Publik dhe nenit 60.1 të Rregullores 001/2022 për Prokurim Publik, mund të pranohet për shqyrtim në OSHP.

Ministria e Infrastrukturës në cilësinë e AK mund të vazhdojë më tutje me aktivitetin e prokurimit "Hartimi i projekteve dhe konsulenca teknike (Shërbimet Gjeodezike)", me numër të prokurimit 205-23-8493-2-1-1, përkitazi me këtë ankesë, nëse nuk ka ndonjë ankesë tjetër për këtë aktivitet të prokurimit.

Megjithatë, OSHP gjithnjë niset nga rregullat, zgjidhjet dhe parimet e LPP sipas të cilit secili AK ushtron pavarësinë e tij/sajë në kuptim të nenit 8 dhe 9 lidhur me planifikimin e prokurimit dhe parashikimin e nevojave, mirëpo kriteret e parapara gjithnjë duhet ta garantojnë barazinë e OE të cilët parashihen si të tillë edhe me DT e cila në kuptim të nenit 27, lidhur me nenin 28, përbën dokumentin kyç të prokurimit publik. Prandaj në kuptim të nenit Neni 51 (Njoftimi i Kriterëve të Përzgjedhjes) të LPP, sipas të cilit të gjithë kriteret e përzgjedhjes duhet të kufizohen *vetëm në kriteret e nevojshme* për të siguruar se vetëm operatorët ekonomik që posedojnë aftësitë e nevojshme profesionale, financiare dhe teknike për ti përmbushur kushtet e kontratës përkatëse do të konsiderohen të kualifikuar për të marrë një kontratë të tillë ose për marrjen e ftesës për tenderim. Dhe se, në asnjë rast, autoriteti kontraktues **nuk duhet që të përfshijë, saktësojë ose përdorë kriteret e përzgjedhjes që bazohen në konsiderata të tjera përveç atyre të lejuara nga dispozitat e neneve 65-70 të këtij ligji.** Andaj Paneli Shqyrtues i vë në dijeni AK se në çdo aktivitet duhet të veproj konform dispozitave dhe autorizimeve ligjore siç parashihen ato me nenet 1,6,7, 27,28,51,59,60,65,69,70 të LPP.

Meqenëse ankesa e parashtruar hedhet si e palejuar duke mos hyr në shqyrtim në përputhje me nenin 31 pika 4, të Rregullores së Punës së OSHP-së, operatorit ekonomik ankues i kthehet tarifa e ankesës në shumën e deponuar me rastin e parashtrimit të ankesës. OE ankues obligohet që konform nenit 31 pika 6 të Rregullores së Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën i bëhet konfiskimi i depozitës, dhe këto mjete kalojnë Buxhetin e Republikës së Kosovës.

Kryetarja e OSHP-së, duke u bazuar në atë që u tha si më lartë, vendosi si në dispozitiv të këtij vendimi.

Kryetarja e OSHP-së

Vjosa Gradinaj-Mexhuani



KËSHILLË JURIDIKE:

Kundër këtij vendimi nuk është e lejuar ankesa, por pala e pakënaqur me kërkesëpadi mund t'i drejtohet Gjykatës Themelore-Departamenti për çështje Administrative në afat prej 30 ditësh nga data e pranimit të këtij vendimi

Vendimi t'i dorëzohet:

1x1 AK – Ministria e Infrastrukturës

1x1 OE " Consult Engineering " SH.P.K

1x1 Arhivës së OSHP-së;

1x1 Për publikim në web- faqe të OSHP-së